

Suno suno aye duniya waalon  
Bapu ki ye amar kahani  
Jail ke andar honi ne  
Phir apana teer chalaaya  
Bapuji ki ardhangi ko  
Ant bulawa aaya  
Jail ke andar khamoshi se  
Deviji ki chita jalayee  
Janta apni maa ke antim  
Darshan bhi karne na payee  
Suno suno aye duniya waalon  
Bapu ki ye amar kahaani

Hindu muslim ke seenon mein  
Phir bhadki nafarat ki jwaala  
Jisko dekh ke dukhi huaa  
Quran aur geeta ka matwaala  
Nawankhali mein khoon ki  
Holi haiwano ne kheli  
Dayaa ki murat bapu se  
Ye peeda gayee na jeele  
Tan pe langoti haath mein  
Danda hothon pe thi prem ki baani  
Nagar nagar paidal phirta tha  
Assee saal ka boodha praani  
Suno suno aye duniya waalon  
Bapu ki ye amar kahani

Sun saintaaliish pandrah  
Agast ko azaadi ka din jab aaya  
Apne desh mein apana  
Zanda dhoom dhaam se lehraya  
Lekin us din pyara bapu  
Bharat ka ujjiyara bapu  
Door dilli se nawankhali mein  
Kamjoron ki rakhwali mein  
Apni jaan ladaaye tha aur  
Apana aap chupaye tha  
Suno suno aye duniya waalon  
Bapu ki ye amar kahani

BHARAT  
lyrics

Kalkatte mein phir brat rakhha  
Hindu muslim ko samjaane  
Bapu ka ye chamatkar tha  
Samaj gaye dono deewane

Kalkatte e se dilli aakar  
Us nagri ka maan badhaya  
Saanj sawere ramnaam ka  
Birla ghar mein diya jalaya  
Raghupati raghav rajaram  
Ishwar allah tere naam  
Bharatlyrics.com  
Bapu ka aadhar yahin tha  
Bapu ka parchaar yahin tha  
Suno suno aye duniya waalon  
Bapu ki ye amar kahani  
Woh bapu jo puja hai itana  
Jitana ganga maa ka paani  
Suno suno aye duniya waalon  
Bapu ki ye amar kahani.

BHARAT  
lyrics

More Lyrics from [Bapu Ki Amar Kahani \(1948\)](https://bharatlyrics.com/aye-duniya-waalon-lyrics/)